

二十四史九通政典類要合編卷二百

宋二十四

禮

九宮貴神 高禩 大火 壽星靈星 風伯雨師 司寒 火蜡 七祀
鳥祖龍神 封禪 汾陰后土 朝謁太清宮 天書九鼎 武威王廟

太宗太平興國八年詔作太一宮於都城南

太宗

雍熙元年八月帝親祀太一宮

太宗

眞宗咸平四年從直祕閣杜鎬請二仲祭九宮貴神爲大祀

眞宗

仁宗天聖六年作西太一宮

仁宗

景佑二年學士章得象等定司天監生于淵役八單訓所請祀九宮太一依逐年飛移位次之法案
邨良遇九宮法有飛棋立成圖每歲一移推九州所主災福事請依唐禮遇祭九宮之時遣司天監
一員詣祠所隨每年貴神飛棋之方旋定祭位仍自天聖己巳入厯太一在一宮歲進一位飛棋巡
行周而復始詔可

禮志

神宗熙寧四年司天中官正周琮言五福太一自國朝雍熙元年甲寅歲入東南巽宮修東太一宮
天聖七年己巳歲入西南坤位修西太一宮今五福太一移入中都請稽詳故事崇建祠宇迎之京
師詔建中太一宮於集禧觀元豐六年太常博士何洵直言祀九宮貴神祝版宜依會昌故事及開
寶通禮書御名而不稱臣又貴神九位其用二少牢於腥熟之俎骨體不備謂宜每位一牢凡九少

牢詔下常修入祀儀哲宗元祐七年監察御史安鼎言太一神太一宮太一與漢所祀太一共是一神今祀十神用素饌而九宮並薦羊豕似非禮意詔禮官詳定言十神九宮各有所主卽非一神故自唐訖今九宮皆用牲牢別無祠壇用素食禮遂依舊制徽宗政和三年禮局上五禮新儀立春日祀東太一宮立夏夏季夏至旺日祀中太一宮立秋日祀西太一宮立冬日祀中太一宮高宗紹興間詔擇地建太一宮太常寺主簿林大鼐言十神太一九宮太一皆天之貴神國朝分而爲二並爲大祀比新太一宮而九宮貴神尙寓屋而不壇乃詔臨安府於國城之東建九宮貴神壇壇其儀如祀上帝

禮通典
禮典

右九宮貴神

高祿初仁宗末有嗣景祐四年二月以殿中侍御史張奎言詔有司詳定禮官以爲月令雖可據然周官闕其文漢志郊祀不及祿祠獨枚臯傳言皇子祿祀而已後漢至江左概見其事而儀典委曲不可周知惟高齊祿祀最顯妃嬪參享饋而不獨恐不足爲後世法唐明皇因舊月令特存其事開元定禮已後不著朝廷必欲行之當築壇於南郊春分之日以祀青帝本詩克禋以祓之義也配以伏羲帝嚳伏羲本始譽著祥也以祿從祀報古爲媒之先也以石爲主牲用太牢樂以升歌儀視先蠶有司攝事祝叛所載具言天子求嗣之意是歲宮中又置赤帝像以祈皇嗣

禮志

宋神宗元豐四年天章閣待制羅拯言高祿壇在南郊制不甚廣上設神位三皆密列祭器執事之

人殆不容足祀官奠獻或側身拜於褥位乞令修展以叶禮制詔太常禮院詳定以聞禮官言高祿壇高八尺廣二十六尺上以青帝爲主伏羲高辛配侑高祿設位壇下壇上神位三陳設祭器樂架實爲狹隘酌奠拜跪及執事進退不可觀禮按祀儀青帝壇廣四丈高八尺今祠高祿旣以青帝爲主其壇之高廣請如青帝之制從之

尙書禮部言先農正座帝神農氏祝文云以后稷配神作主配座后稷云作主侑神謹按春秋公羊傳曰郊則曷爲必祭稷王者必以其祖配王者則曷爲必以其祖配自內出者無匹不行自外至者無主不止何休曰天道闇昧故推人道以接之然則古者作主配神之意本施於祖宗其間有雖非祖宗而祝辭亦以言作主配神者如五人帝之於五帝是推人道以接天神勾龍之於社后稷之於稷是推人道以接土穀之祇其祝辭俱云作主可也若並爲外祭而正配座又皆人鬼則以正座爲主其配座但合食從祭而已伏請於神農祝文云以后稷配於后稷云配食於神高祿以伏羲高辛並祝文並云作主配神神無二主伏羲旣爲主其高辛祝文改云配食於神高祿政和二年詔春分祀高祿青帝以帝伏羲氏高辛氏配簡狄姜嫄從祀

高宗紹興元年太常少卿趙子畫言祀典每歲春分日祀高祿青帝正位配以伏羲高辛從以簡狄姜嫄弓矢弓櫛內出備器禮畢收徹三從祀神位前禮料入禁中行禮自車駕巡幸雖多故之際禮文難備至於祓無子祝多男所以繫四方萬里之心者蓋不可闕乞自來歲之春復行高祿之祀

禮部言竊詳生民之詩言履帝武敏歆先儒以敏爲拇謂姜嫄履巨迹之拇以歆如禘之神是生
后稷以爲從帝嚳祀禘神之應其說頗附會元鳥生契之意如詩言繩其祖武傳言夫子步亦步
趨亦趨皆繼踵相因循之意履帝武敏歆猶言帝嚳行禘祀之禮姜源踵而行之疾而不遲故上
帝所歆居然生子以見視履考祥其應亦速而後世弗深考經旨傳註怪詭禮祥併爲一談至北
齊妃嬪參鸞鸞而不鑑去禮逾遠歷世非之唯禮記通典載大唐月令具言仲春元鳥之日以
太牢祀於高禘天子親往而政和新禮亦有皇帝親饗高禘之儀緣祖宗以來未嘗舉行親祠惟
兩制官并有司攝事今欲乞比祖宗故事增重祀典依每歲元日祈穀於上帝禮例命執政官攝
事前期申取指揮施行又檢會國朝會要每歲春分遣官致祭牲用牛羊豕各一弓矢弓韣以乘
輿所御者權降付外有司奉祠訖以福酒胙肉弓矢弓韣授內侍以進皇后宮嬪就宮中受胙飲
福詳上文今欲遇祠高禘及徹禮饌進內依景祐儀制行飲福受胙之禮所有牲牢亦依祖宗故事
用牛羊豕務從豐備以盡祈天錫羨之誠從之

以上通
考禮考

右高禘

大火之祀康定初南京鴻慶宮災集賢校理胡宿請修其祀而以關伯配焉禮官議關伯爲高辛火
正實居商邱主祀大火後世因之祀爲貴神配火侑食如周秉配稷后土配社之比歲以三月九月
擇日令南京長吏以下分三獻州縣官攝太祝奉禮慶厯獻官有祭服建中靖國元年又建陽德觀

以祀燹感因翰林學士張康國言天下崇靈觀並建火德真君殿仍詔正殿以離明爲名太常博士
羅時請宜做太一宮遣官薦獻或立壇於南郊如祀靈星之儀有司請以關伯從祀離明殿又請增
關伯位按春秋傳曰五行之官封爲上公祀爲貴神祝融高辛氏之火正也關伯陶唐氏之火正也
祝融旣爲上公則關伯亦當服上公衮冕九章之服乾道五年太常少卿林栗等言本寺已擇九月
十四日依旨設位望祭應天府大火以商邱宣明王配二十一日內火祀大辰以關伯配大辰卽大
火關伯卽商邱宣明王也緣國朝以宋建號以火紀德推原發祥之所自崇建商邱之祠府曰應天
廟曰光德加封王爵錫謚宣明所以追嚴者備矣今有司旬日之間舉行二祭一稱其號一斥其名
義所未安乞自今祀燹感大辰其配位稱關伯祝文位版並復應天府大火禮例改稱宣明王以稱
國家崇奉火正之意

禮志

右大火

諸星祠有壽星周伯靈星之祭大中祥符二年翰林天文邢中和言景德中周伯星出亢宿下按天
文志角亢爲太山之根果符上封之應望於親郊日特置周伯星位於亢宿間

禮志

眞宗景德三年詔定壽星之祀太常禮院言按月令八月命有司享壽星於南郊注云秋分日祭壽
星於南郊壽星南極老人星也爾雅云壽星角亢也按晉天文志老人一星在弧南一曰南極常以
秋分之旦見于丙春分之夕没于丁見則治平主壽冒常以秋分候之南郊後漢於國都南郊立老

人星廟常以仲秋祀之則壽星請老人矣請依後漢於壇上設壽星一位南向祀老人星其壇下七宿位不宜復設

禮志

仁宗慶曆以立秋後辰日祀靈星爲小祀其壇東西丈三尺南北丈二尺皇祐定如唐制壇周八步四尺其享禮籩八豆八在神位前左右重三行俎二在籩豆外簠簋一在二俎間象尊二在壇上東南隅北向西上徽宗政和新儀立秋後辰日祀靈星如舊制

續通典禮典

石壽星靈星

風伯雨師諸州亦致祭大中祥符初詔惟邊地要劇者令通判致祭餘皆長吏親享未幾澤州請立風伯雨師廟乃令禮官考儀式頒之有司言唐制諸郡置風伯壇社壇之東雨師壇于西各稍北數十步卑下於社壇廟用羊一簋豆各八簠簋各二葵可

禮志

神宗元豐詳定局言周禮兆五帝於四郊四類亦如之鄭氏曰日月星辰運行無常以氣類爲之位兆日於東郊兆月與風師於西郊兆司中司命於南郊兆雨師於北郊各以氣類祭之謂之四類漢儀縣邑常以丙戌日祠風伯於戊地以己丑日祀雨師於丑地亦從其類也熙寧祀儀兆風師於國城東北兆雨師於國城西北司中司命於國城西北亥地則是各從其星位而不以氣類也請稽舊禮兆風師於西郊祠以立春後丑日兆雨師於北郊祠以立夏後申日兆司中司命司祿於南郊祠以立冬後亥日其壇兆則各從其氣類其祭辰則各從其星位仍依熙寧儀以雷師從雨師之位以

司民從司中司命祿之位

政和三年禮局定風師壇廣二十三步雨師雷師壇廣十五步皆高三尺四陸並一壇二十五步其雨雷壇同壇又請祀風師雨師司中司命用樂仍製樂章以爲降神之節祭以少牢仍用體解並從之南渡後壽星風師雨師雷師諸祠並仍舊制

以上續通典禮

右風伯雨師

司寒之祭常以四月命官率太祝用牲幣及黑牡秬黍祭玄冥之神乃開冰以薦太廟建隆二年置藏冰署而脩其祀焉祕書監李至言按詩豳七月曰四之日獻羔祭韭蓋謂周以十一月爲正其四月卽今之二月也春秋傳曰日在北陸而藏冰謂夏十二月日在危也獻羔而啓之謂二月春分獻羔祭韭始開冰室也火出而畢賦火星昏見謂四月中也又按月令天子獻羔開冰先薦寢廟許其開冰之祭當在春分乃有始之失也

禮志

神宗元豐中詳定禮文所言熙寧祀儀孟冬選吉日祭司寒春秋左氏傳曰古者日在北陸而藏冰西陸朝覲而出之其藏之也黑牡秬黍以享司寒其出之也桃弧棘矢以除其災吉者享司寒惟以藏冰飲冰之日孟冬非有事於冰不應祭享今請惟季冬藏冰則享司寒牲用黑牡羊彘用黑秬黍仲春開冰則但用羔又孔穎達注月令曰飲冰唯獻桃弧棘矢以禳除凶邪非禮神之物當依孔氏說置於凌室之戶從之徽宗大觀四年議禮局言春秋左氏傳以少皞有四叔其一爲玄冥杜預

鄭玄皆以玄冥爲水官故歷代祀之爲司寒則玄冥非天神矣今儀注享司寒禮畢燔燎是以祀天神之禮享人鬼也請罷燔燎而埋祝幣從之

按元明無司寒之祭明臣邱濬曰一歲之間有春夏秋古者各因其時而致其祭本朝於春秋一時祭太歲及四時月將之神蓋以四時之首合于太歲四時之令分于月將其卽古者祭時與寒暑之遺意歟

續通典禮典

右司寒

火蜡之禮自魏以來始定議王者各隨其行社以其盛臘以其終建隆初以有司言用周德木生火宜以火德王色尚赤遂以戌日爲臘三年戌戌臘有司畫日以七日辛卯和峴奏議曰按蜡始於伊耆氏歷三代及漢其名雖改而其實一也漢火行用戌臘臘三接也新故相接故微禽獸以享百神報終成之功也王者因之上享宗廟旁及五祀展其孝心盡物示恭也魏晉以降悉沿其制唐乘土德貞觀之際以前寅日蜡百神卯日祭社宮辰日享宗廟開元定禮三祭皆於臘辰以應土德今以戌日爲臘而以前七日辛卯行蜡禮恐未爲宜況宗廟社稷並遵臘享獨蜡不以臘請下禮官議議如峴言

禮志

仁宗天聖三年禮官陳詒言蜡祭一百九十二位而祝文所載一百八十二無五方田峻五方郵表畷蓋開元以來年祀寢遠有司失傳郊祀正辭錄司天監神位圖皆以虎爲於菟乃避唐諱詔復爲虎載田峻郵表畷

曾鞏本朝正要策云博士和峴言蜡始伊耆而二代有嘉平清祀蜡祭之名蜡臘之別名也漢乘

火德以戊日爲臘臘接也言新故相接故田獵取禽以報百神饗宗廟旁及五祀以致孝盡虔魏晉同之唐以土王貞觀之際尙用前寅蜡八神卯日祭社辰日爲臘而獨以前七日辛卯蜡不應於禮請如開元故事蜡百神祀社稷饗宗廟同用戊臘如禮便制曰可

徽宗政和三年四月議禮局上五禮新儀臘前一日蜡百神四方蜡壇廣四丈高八尺四出陞兩壇每壇二十五步東方設大明位西方設夜明位以神農氏后稷氏配位以北爲上南北壇設神農氏位以后稷氏配五星二十八宿十二辰五官五嶽五鎮四海四瀆及五方山林川澤邱陵墳衍原隰井泉田畯蒼龍朱雀麒麟白虎元武五水庸五坊五於菟五鱗五羽五介五毛五郵表畷五蠶五貉五昆蟲從祀方依其分設若中方嶽鎮以下設於南方蜡壇西階之西中方山林以下設於南方蜡壇于階之西伊耆設於北方蜡壇卯階之南其位次於辰星

高宗紹興十九年臣僚言月令臘先祖五祀勞農以休息之釋者謂蜡祭也所以報一歲之成功求嗣歲之福也今已行臘享而報農之祀或闕請並行蜡祭

有司核會以臘前一日蜡祭東西方百神禮料一視感生帝內從祀視釋奠文宣王從祀蜡祭南北方百神一視鎮嶽海瀆內從祀釋奠武成王從祀

以上通考禮考

右火蜡

太廟司命戶竈中霤門厲行七祀熙寧八年始置位版大常禮院請禘享偏祭七祀

禮志

七祀曰司命曰中霤曰國行曰泰厲曰門曰戶曰竈孟春祀戶祭先脾孟夏祀竈祭先肺中央土祀中霤祭先心孟秋祀門祭先肝孟冬祀行祭先腎又傳曰春祀司命秋祠厲

禮志

四年詳定郊廟奉祀所請立春祭戶於廟室戶外之西祭司命於廟門之西制脾於俎立夏祭竈於廟門之東制肺於俎季夏土王日祭中霤於廟庭之中制心於俎立秋祭門及厲於廟門外之西制肝於俎立冬祭行於廟門外之西制腎於俎皆用特牲更不隨時享分祭有司攝事以太廟令攝禮官服必元冕厭必薦熟親祀及臘享即依舊禮偏祭從之徽宗致和時議禮局上五禮新儀太廟七祀臨時分祭如元豐舊臘享給享則偏祭設位於殿下橫街之北道東西向北上

續通典禮典

右七祀

馬祖祀與仲春祀馬祖仲夏享先牧仲秋祀馬社仲冬祭馬步並擇日壇壝之制三壇各廣九步高三尺四陛一壇又舊醺神之祀應曆中上封事者言螟蝗爲害乞外內並脩祭醺禮記言按周禮族師春秋祭醺醺爲人物災害之神鄭玄云校人職有冬祭馬步則未知此醺者螟蝗之醺歟人鬼之步歟蓋亦爲壇位如雲縈云然則校人職有冬步是與馬爲害者此醺蓋人物之害也漢有螟蝗之醺神又有人鬼之步神歷代書史悉無祭醺儀式欲準祭馬步儀壇在國城西北差官就馬壇致祭

稱爲醺神若外州者即畧依祭禮

禮志

右馬祖 醺神

封禪太宗卽位之八年泰山父老千餘人詣闕請東封帝謙讓未遑厚賜以遣之明年宰臣宋琪奉文武官僧道耆壽三上表以請乃詔以十一月二十一日有事于泰山命翰林學士扈蒙等詳定儀注旣而乾元文明二殿災詔停封禪而日是日有事于南郊眞宗大中祥符元年兗州父老呂良等千二百八十七人及諸道貢舉之士八百四十六人詣闕陳請而宰臣王旦等又率百官諸軍將校州縣官吏蕃夷僧道父老二萬四千三百七十人五上表請始詔今年十月有事于泰山遣官告大

禮志

地宗廟社稷太一宮及在京祠廟嶽瀆命翰林太常禮院詳定儀注
先是殿中侍御史趙湘請封禪上拱揖不答王旦等曰封禪之禮曠廢已久若非盛世承平豈能振舉初王欽若旣以城下之盟毀寇準上自是常怏怏他日問欽若曰今將柰何欽若度上厭兵卽謬曰陛下以兵取幽薊乃可刷此恥也上令思其次欽若因請封禪以鎮服四海誇示夷狄又言封禪當得天瑞又言天瑞蓋有以人力爲之陛下謂河圖洛書果有之乎聖人以神道設教耳上曰王旦得無不可欽若遂以上意諭旦旦詭勉而從

通考禮考

十月戊子朔禁天下屠殺一月辛卯發京師帝自告廟卽蔬食並禁音樂丁未次奉高宮齋於穆清殿庚戌帝服通天冠絳紗袍乘法駕至山門幄次

山王置圍臺徑五丈高九尺四陛上飾以青四面如其方色一壇廣一丈圍以青繩三周燎壇在其

東南高丈二尺方一丈開上南出戶方六尺山下封祀壇四成十二陛如圍丘制上飾以玄四面如其方色外爲三壇燎壇如山上壇制社首壇八角三成八陛三壇四門如方丘制又爲瘞瘠于王地外壇之內又以玉爲五牒各長尺二寸廣五寸厚一寸刻字而填以金聯以金繩絨以玉圍置石殿中正座配位用玉冊六副每簡長一尺二寸廣一寸二分厚二分簡數量文多少置長一尺三寸檢

長如匱厚一寸闊五寸纏金繩五周封以金泥印以受命寶用石礮藏之礮鑿中廣

改服韡袍乘步

深足容玉匱又爲石檢十以礮礮金繩纏之石泥封之泥用石末和五色土爲之

輦登山鹵簿儀衛列山下天門險峻人給橫板二長三尺許繫綵兩端施於背膺選從卒推引而上

衛士皆給釘鞵供奉馬止于中路自山趾盤道至太平頂凡兩步一人綵繡相閉樹當道者不伐止

紮以繒每經陘險必降輦徒步是夕山下罷警場明日設昊天上帝位於圓臺奉天書於座左

是年有黃帛曳左承天門南鷄尾上帝命

羣臣并迎於朝元殿啟封號稱天書

正月

太祖太宗並配西北側向帝服衮冕升臺奠獻悉去侍衛命官

享五方帝及諸神於封祀壇上飲福酒攝中書令王旦跪稱曰天賜皇帝太一神策周而復始永綏

兆人三獻畢封金玉匱王旦奉玉匱置於石礮攝太尉馮拯奉金匱以降將作監顏徒封礮帝登圓

臺閱視訖還御幄宰臣率從官稱賀山下傳呼萬歲聲動山谷壬子禪祭皇地祇于社首奉天書升

壇以祖宗配癸丑御壽昌殿受朝賀大赦天下改乾封縣曰奉符縣徽宗政和六年時蔡京當國將

講封禪以文太平預具金繩玉檢及他物甚備迄不能行

續通典禮典

右封禪

汾陰后土眞宗東封之又明年文武百僚詣東上閣門三表以請詔明年春有事於汾陰后土命知

樞密院陳堯叟爲祀汾陰經度制置使命翰林禮院詳定儀注造玉冊祭器先令堯叟詣后土祠祭

告分遣常參官告天地廟社獄鎮海濱詳定所言祀汾陰后土請如封禪以太祖太宗並配

禮志

眞宗景德二年四月太常寺言神州壇壝中有阼壘及車馬之迹又兩壇步數迫隘不合禮文望令

改擇壇位及依令式封標諸壇外壇禁人耕鋤樵牧奏可卽徙壇於方丘之西焉

四年正月以朝陵遣工部尚書王化基詣汾陰后土祠致祭用大祀禮

汾陰后土漢武帝元鼎中所立雕上祠宣帝元帝成帝後漢光武唐元宗皆親祭是後曠其禮開寶九年徙廟稍南是年始遣使致祭其後又詔自今凡告天地仍詣祠告祭命禮官考定衣冠制度令有司修製遣使奉上

大中祥符三年河中府言進士薛南率耆老僧道千二百九十人列狀求詣闕請親祠詔不允仍止其來七月復上表固請羣臣亦詣東上閤門陳請八月詔以來年春有事於汾陰后土

四年正月丁酉備鑾駕出京師二月丙辰至奉祇宮戊午致齋召近臣登延慶亭南望仙掌北瞰龍門自宮至雕丘列植嘉樹六師環宿行闕旌旗亦幕照耀郊次眺覽久之己未遣入內都知鄧永遷詣祠上衣服供具庚申羣臣宿祠所幸西具法駕詣雕壇夾路設燎火其光如晝盤道紆屈周以黃麾仗至壇次服袞冕登壇祀后土地祇備三獻奉天書於神座之左以太祖太宗並配悉如封禪之禮先是雕上多風及行禮頓止黃氣繞壇月重輪衆星不見惟大角光明少頃改服通天冠絳紗袍乘輦詣廟設登歌奠獻省封石置遣官分奠諸神登郊邱亭望河汾還行宮鼓吹振作紫氣四塞觀者溢路民有扶老攜幼不遠千里而至者壬戌御朝觀壇肆赦是行塗中屢有甘澍之應皆夕降晨霽從官衛兵無霑服之患又農事方興耕民懼忤相屬三月駐蹕西京四年詔雕上后土廟宜上額

爲太監正殿

紹聖元年右正言張商英御史中丞黃履等言且用先帝北郊儀注以時躬行罷去合祭之禮三省言合祭既非禮典但盛夏祭地必難親行詔令兩省臺諫禮官同議可以親祀北郊然後可罷合祭之禮會布言天地宗廟四時皆有祭未聞盛夏可以廢祭祀也若謂議可以親祠北郊然後可議罷合祭則先帝罷合祭爲不當矣四月翰林學士錢勰刑部侍郎范純禮議先帝親祠之詔所宜遵守但當斟酌時宜省去繁文末節以行親祠之禮若謂盛夏難於出郊則姑從權變禮以循祖宗故事吏部侍郎韓宗師兵部侍郎王古殿中侍御史井亮采監察御史常安民又以南郊合祭當循祖宗舊制權戶部侍郎李琮以乘輿出郊暑雨不常合祭權宜亦難輕罷太常博士傅楫以祀天地不可以暑曠廢大禮給事中虞策權給事中劉定中書舍人盛陶太常少卿黃裳請用十月親祭皇地祇於北郊吏部侍郎豐稷請於夏至前三日皇帝致齋於文德殿遣官奏告太廟至日五鼓詣北郊齋殿質明行事禮畢還宮不其炎溽若遇陰雨大慶殿可陳望祭之禮起居舍人葉祖洽謂北郊之禮主於祀地而太廟景靈宮自可差官攝事皇帝致齋於文德殿前事一日夙興至郊外齋宮次日五鼓行事質明禮畢還內則是乘輿宿外不過一日無憚暑之虞於理爲可戶部尚書蔡京禮部尚書林希翰翰林學士蔡卞御史中丞黃履工部侍郎吳安持祕書少監龔端彥侍御史翟思殿中侍御史郭知章正言劉拯監察御史黃慶基董敦逸等請罷合祭天地自後開因大禮歲以夏至之日親祠

北郊其親祠北郊之歲更不親祠南郊明年乃詔罷合祭自今間因大禮之歲以夏至之日躬祭地祇於北郊應緣祀事儀物及壇墻道路帷宮等宜令有司參酌詳具以聞蓋用蔡京等議然北郊親祠終帝世未克舉云

元符元年帝幸瑞聖園觀新成北郊齋宮故事郊宮悉設以幕帟其費不貲上命繕營不日而成曰三歲一郊次舍之費練帛三十餘萬工又倍之易以屋室一勞永逸所省多矣

徽宗崇寧元年禮部尙書黃裳言南郊壇十二龕壝中布列從享星位具載其名凡三百三十有八至於北郊第以嶽鎮海瀆山川林澤邱陵墳衍原隰之目別以四方實於成壝而不列其名雖從享於大祇莫非山澤而何者來格今茲講行北郊大禮尙未論著是爲闕典欲乞令太常寺丞陳暘考其名位取其可以從享者詳具以聞列於成壝從之

二年禮部員外郎陳暘奏臣聞天一與地六合而生水於北其神元冥地二與天七合而生火於南其神祝融天三與地八合而生木於東其神句芒地四與天九合而生金於西其神蓐收天五與地十合而生土於中其神后土蓋地乘陰氣播五行於四時當有帝以爲之主必有以神爲之佐也五行之帝既從享於南郊第一成則五行之神亦當列於北郊第一成奉上帝及五時迎氣並以五人神配而不設五行之神是取小而遺大也神宗皇帝嘗詔地示之祭以五行之神從享以五人神配然尙列嶽鎮海瀆之間臣今欲陞之第一成又云地示之祭先儒之說有二或繫於崑崙或

繫於神州皆有所經見惟爾雅曰西北之美者有崑崙之球琳琅玕焉河圖括象曰崑崙東南萬五千里曰神州是崑崙不過域於西北神州不過域於東南也神宗皇帝嘗詔禮官討論北郊祀典位崑崙於方丘第一成之西北位神州於第一成之東南而其上設地祇位焉崑崙神州之說雖出不經然古人有其舉之莫敢廢也特降於從享之列爾欲望明推神考詔旨列崑崙神州於從享之位又言三代而上山川之神有望秩之祭故五嶽之秩視三公四瀆之秩視諸侯五嶽不視侯而視公猶未極乎推崇之禮聖朝始帝五嶽而王四瀆竊惟天莫尊於上帝而五方帝次之地莫尊於太廟而五嶽帝次之神宗皇帝親祠上帝於南郊而五方帝列於第一成然則五嶽帝其可尙與四鎮海瀆而並列乎今欲陞之於第一成並從之

政和三年詔自今每遇冬大禮後一歲夏至祭地於方澤其儀物儀衛應奉行事悉從簡省從祭臣僚與隨駕衛士量行支賜簡而易行無偏而不舉之失以稱朕意可令禮制局裁定以聞 又詔夏至齋宮大內門曰廣禮東偏門曰東秩西偏門曰西平正東門曰含光正西門曰咸亨正北門曰至順南門裏大殿門曰厚德東曰左景華西曰右景華正殿曰厚德便殿曰受福曰坤珍曰道光亭曰承休

四年五月丙戌夏至日帝始親祭地於方澤以太祖皇帝配禮成帝親製一表遣觀文殿學士鄧洵武告於永泰陵詔以其日爲景飢節

高宗紹興元年禮部太常寺討論夏日至祭皇地祇以太祖皇帝配正配二位罇爵蓬豆各一位每實以酒脯鹿麋以獻官一員行禮立冬祭神州地祇以太宗皇帝配於天慶觀望祭

太常寺每歲常祀夏日至祭皇地祇係於行在錢湖門外惠照院望祭齋宮設位行禮以太祖皇帝配三獻官依儀初獻係差宰執亞獻禮以尙書侍郎有故或闕次輪別曹長貳次給舍諫議終獻太常卿少禮部郎官有故或闕差北司官次輪別曹郎官合用禮料牲牢羊一口豕一口籩二十有六

右汾陰后土

先是大中祥符元年正月乙丑帝謂輔臣曰朕去年十一月二十七日夜將半方就寢忽室中光耀